

## ԳԱՌՆԻԿ ԱԽՊԵՐ

Երկու որբեր,  
 Քուր ու ախպեր,  
 Կորած գընում են հեռու,  
 Արևը վառ,  
 5 Ճամփեն երկար,  
 Ոչ աղբյուր կա, ոչ առու:

Քույրը մեծ էր, ոնց որ լիներ  
 Կըհամբերեր արևին,  
 Բայց ախպերը փոքրիկ էր դեռ,  
 10 Չէր դիմանում ծարավին:

Գընում են, գընում, տեսնում են ճամփին  
 Կովի ոտնատեղ՝ մեջը լիքը ջուր:  
 «Քուրի՛կ ջան, քուրիկ, ես շատ եմ ծարավ,  
 Ի՛նչ կըլի թողնես խըմեմ մի պուճուր»:

15 — Չէ՛, ախպեր ջան, չէ՛, դու կով կըդառնաս,  
 Կովի կճղակի տեղից մի՛ խըմի.  
 Մի քիչ էլ կացի... քիչ էլ որ կենաս,  
 Առաջներըս պաղ աղբյուր կա հիմի:

Երկու որբեր,  
20 Քուր ու ախպեր,  
Գընո՛ւմ, գընում են հեռու.  
Արևը վառ,  
Ճամփեն երկար,  
Ոչ աղբյուր կա, ոչ առու:

25 Գընում են, գընո՛ւմ, տեսնում են ճամփին  
Զիու ոտնատեղ՝ մեջը լիքը ջուր:  
«Քուրի՛կ ջան, քուրիկ, ես շատ եմ ծարավ,  
Ինչ կըլի թողնես խըմեմ մի պուճուր»:

— Զէ՛, ախպեր ջան, չէ՛, դու ձի կըղառնաս,  
30 Զիու սըմբակի տեղից մի՛ խըմի,  
Մի քիչ էլ կացի, քիչ էլ որ կենաս՝  
Մոտիկ մի զուլալ աղբյուր կա հիմի:

Երկու որբեր,  
Քուր ու ախպեր,  
35 Գընո՛ւմ, գընում են հեռու.  
Արևը վառ,  
Ճամփեն երկար,  
Ոչ աղբյուր կա, ոչ առու:

Գընում են, գընում. տեսնում են ճամփին  
40 Գառան ոտնատեղ՝ մեջը լիքը ջուր:  
Փոքրիկ ախպերը էլ չի համբերում,  
Քըրոջից թաքուն խըմում է պուճուր:

Քույրը մին էլ ետ է նայում,

Որ մի գառը մղկըտալի  
45 Իր ետևից տըխուր մայում  
Ու մայելով վազ է տալի:

Խեղճ Մանուշը վայ է տալիս,  
Վայ է տալիս, լալի՛ս, լալի՛ս.  
Բայց էլ ի՞նչ աներ,  
50 Բայց էլ ո՞նց աներ...

Երկու որբեր,  
Քուր ու ախպեր,  
Գառն ու աղջիկ մոլորված,  
Հեռու երկրում  
55 Տըխուր-տըրտում  
Գընո՛ւմ, գընում են կորած:

Սոված ու ծարավ գընում են, գընում.  
Գընում են, գընո՛ւմ, չըգիտեն թե ուր.  
Վերջապես մի հով անտառ են մըտնում,  
60 Անտառի միջին մի զանգակ աղբյուր:  
Կուշտ-կուշտ խըմում են էն սառը ջրից,  
Հետո Մանուշը ծառն է բարձրանում,  
Գառնիկ ախպերն էլ ծառերի տակին  
Մուշ-մուշ արածում, արոճ է անում:  
65 Իրիկվան պահին խըրխինջ ու քըրքիջ...  
Լըցվում է հանկարծ անտառն աղմուկով.  
Մոտիկ են գալի ձայները քիչ-քիչ...  
Մոտիկ են գալի ծիծաղով, երգով...

Եվ ահա ոսկի սանձերց բըռնած

- 70 Բերում են ջրրեն ձիանքն արքայի:  
 Ամեհի ձիանքն աղբյուրից խըրտնած՝  
 Ծառս-ծառս են կանգնում ու մոտ շեն գալի:  
 Մըտիկ են տալի ծառայքը մեկ էլ,  
 Որ սիրուն մի ցոլք ջրրի մեջն ընկել,
- 75 Ու ջուրը քանի ալիք է տալի,  
 Նա էլ ջրրի հետ գընում է գալի:  
 Նայում են վերև: Ի՛նչ տեսնեն, Աստված.  
 Մի հուր-հրեղեն, մի շարմաղ աղջիկ,  
 Ծառի ճյուղերին նագելի նըստած՝
- 80 Նայում է ներքև լըռիկ ու մընջիկ.  
 Մի սիրո՛ւն աղջիկ արմանք ու զարմանք:  
 Զարմանք է պատում խեղճ ծառաներին.  
 Տեր Աստված, արդյոք ի՛նչ հըրաշք է սա,  
 Վայրի անտառում իջած էս ծառին:
- 85 — Ո՞վ ես, չըքնաղ, տեսիլք ես դու,  
 Թե՞ հողեղեն արարած.  
 Թե տեսիլք ես՝ կաց մի քիչ էլ,  
 Թե աղջիկ ես՝ արի ցած:  
 Ցած ե՛կ տեսնենք՝ ի՛նչպես եղավ,
- 90 Որ ծագեցիր դու մեզ մոտ.  
 Ի՛նչ ցավ է քեզ արդյոք բերել  
 Մեր աշխարհքը անծանոթ:
- Մեզ որբուժյան ցավն է բերել  
 Ձեր աշխարհքը անծանոթ:—
- 95 Ձայն է տալի ծառի վըրից  
 Մեր Մանուշը ամաչկոտ:—

Մենք տուն շունենք, ոչ ապավեն  
էս լայն-արձակ աշխարհքում,  
Մուժն էլ հիմի շուտով կընկնի,  
100 Վախենում ենք անտառում:  
Ու ծառաները գառն ու աղջկան  
Առնում են բերում պալատն արքայի:  
«Ո՞վ ես դու, սիրուն,— հարցնում է արքան,—  
Անբան գառան հետ ի՞նչ ես ման գալի»:  
105 Կանգնում է աղջիկն էստեղ նորից նոր  
Պատմում է, ինչ որ պատմեցի ես ձեզ.  
Թե՛ ապրած կենաս, հսեղ թագավոր,  
Մեր բանը, հապա՛, էսպես ու էսպես...

Թագավորն երբ որ լըսում է մին-մին՝  
110 Ե՛վ շատ ցավում է, և՛ շատ հավանում.  
Անում է նըրան իրեն թագուհին,  
Յոթն օր, յոթ գիշեր հարսանիք անում:

Ու փառքի միջում, շըքեղ դահլիճում,  
Լիքն ու երջանիկ ապրում է Մանուշ.  
115 Գառնիկ ախպերն էլ ճոխ պարտեզներում  
Արոտ է անում ու խաղում անուշ:

Պալատումը կար նախանձոտ ու շար  
Մի պառավ կընիկ, հընուց աղախին.  
Նախանձում է սա, թե ոնց պիտի գա  
120 Մի որբ՝ թագուհի դառնա մեր գըլխին:

Մի օր էլ գալի, գըլուխ է տալի,  
Առաջը կանգնում, կեղծավոր գովում.

«Արի քեզ տանեմ, սիրուն թագուհի,  
Ջրփ-չը փ լողացնեմ շարմաղ էն ծովում»:

125 Խաբում է, տանում, գցում ծովի մեջ,  
Շորերը առնում, ետ բերում քաղաք,  
Հագցընում իր սև, դարձվոր աղջրկան,  
Պալատ ուղարկում թագուհու տեղակ:

Երեսը ծածկած թանձրը շրջարշով  
130 Պալատ է մըտնում էն սուտ թագուհին,  
Ու թագավորն էլ կասկած չի տանում,  
Թե ով է եկել բազմել իր գահին:

Բայց ինչ են անում, ինչ որ չեն անում,  
Ջեն կարում էլ տուն բերեն Գառնիկին.  
135 Մայում — էս ափից էն ափն է վազում,  
Մայում — էն ափից ետ գալի կըրկին:

Ինչ անենք սըրան, ո՞նց անենք սըրան.  
Պառավն ու աղջիկ շատ միտք են անում.  
Վերջը գալիս է դարձվոր թագուհին  
140 Անկողին մըտնում, հիվանդ ձևանում:

Էլ թանկ ուտելիք, էլ ազնիվ մրգեր  
Բերում են փըռում, խնդրում, աղերսում.  
Մըտիկ չի տալի ոչ մեկի վըրա.  
Վերջը Գառնիկի մըսիցն է ուզում...

145 «Բայց չէ որ, Մանուշ, քու եղբայրն է նա,  
Ո՞նց ես նըրա միսն ուզում դու հիմա...»

— Ի՞նչ անեմ, ինձնից նա ազիզ հո չի՞.  
Ես որ մեռնում եմ, թող նա էլ կորչի...  
Ասում է, ճըշում. «Վա՛յ, մեռա՛, աման...»

150 Ու թագավորը տալիս է հրաման.

«Կըրակ վառեցեք,  
Դանակ սըրեցեք,  
Բերեք մորթեցեք  
Ախպեր Գառնիկին,

155 Որ առողջ լինի

Իր քույրը տիկին»:

Թագավորն էսպես պատվեր է տալի,  
Պատվեր է տալի ու դուրս է գալի,  
Գընում է ծովափ սաստիկ սրտնեղած,

160 Թե ո՛րքան Մանուշն անգութ է եղած...

Մայում է, լալիս Գառնիկ-Ախպերը,  
Հացացնում է ժեռ ծովի ափերը,  
Մի ափից բըռնած մյուս ափն է թըռչում,  
Մարդկային լեզվով քըրոջը կանչում.

165 — Քուրիկ ջան, քուրիկ,

Կըրակ են վառում,

Կըրակ են վառում,

Դանակ են սըրում:

Քուրիկ ջան, քուրիկ,

170 Լըսի անդունդից,

Օգնության հասի,

Սպանում են ինձ:

- Լըսում է արքան՝ տեղը քար կըտրած,  
Եվ ալիքների միջիցը հանկարծ
- 175 Շատ ծանոթ մի ձայն՝ հեռո՛ւ, խո՛ւ ու խոր  
Կանչում է քնքուշ, կանչում է անզոր.  
«Ախպեր ջան, ախպեր,  
Անհեր ու անմեր,  
Անքուր ու ու անտեր
- 180 Իմ Գառնիկ-Ախպեր.  
Դըժար է տեղըս,  
Ձենըս չեն լըսում,  
Ձենըս չեն լըսում,  
Ձեռըս չի հասնում:
- 185 Ա՛խ, չար պառավը  
Սև արավ օրըս,  
Այժմ էլ կըսպանի  
Գառնիկ-Ախպորըս»:

- Լըսում է արքան, պալատն է հասնում,  
190 Պատռում է քողը թագուհու դեմքի.  
Պատռում է, տեսնում... բայց ի՛նչ է տեսնում,  
Ո՛վ է իր գահին եղել թագուհի...  
— Եկե՛ք, ձկնորսնե՛ր, ուռկան ձրգեցե՛ք,  
Հանեցեք ծովից մեր լավ Մանուշին.
- 195 Եկեք, դահիճնե՛ր, ծովը ձրգեցեք  
Կախարդ պառավին ու էս հրրեշին:

էսպես բարկացած գոռում է արքան,  
Ժողովուրդն ամեն թընդում է ցավից,  
Գալիս է կանգնում, ձրգում է ուռկան,

- 200 Անմեղ Մանուշին հանում է ծովից:  
Հանում է ծովից, գահին բարձրացնում,—  
Կրկին թագունի ու տիկնանց տիկին.  
Գառնիկ-Ախպերն էլ անշափ խընդումից  
Պատռում է իրեն ոչխարի մորթին,  
205 Դուրս գալի, կանգնում սիրուն տղամարդ,  
Ճակատը պայծառ, աչքերը վառ-վառ,  
Ոչխարի տրկար մայունի տեղակ  
Մարդկային լեզվով ազատ ու ճարտար:

- Իսկ շար պառավին, իրեն աղջրկան,  
210 Որ խաբել էին աշխարհ բովանդակ,  
Վըզներից կապում ջաղացի քարեր,  
Ջըգում են ծովի անդունդը անտակ:  
Երկու որբեր,  
Քուր ու ախպեր,

- 215 Առած պատիվ, գահ ու թագ.  
Աշխարհքն էլի  
Խաղա՛ղ ու լի՛,  
Չարը թաղված ծովի տակ: